

歷代詩話

全唐詩話卷之三 歷代詩話第三冊

宋 尤 袤 著

後學 何文煥 訂

牛僧孺

樂天夢得有除夜詩僧孺和云惜歲々今盡少年應不知淒涼數流輩懽喜見孫兒暗減一身力潛添滿鬢絲莫愁花笑老花自幾多時

元和三年宣政殿試賢良方正能直言極諫科一十人登科其後僧孺李宗閔王起賈餗四人

皆相次拜相先是白居易在翰林為考校官後
僧孺罷相出鎮揚州居易在洛中有詩云北闕
至東京風光十六程坐移丞相閣春入廣陵城
紅旆擁雙節白鬚無一莖萬人開路看百吏立
班迎閭外君彌重罇前我亦榮何須身自得將
相是門生

公始至京置琴書灞滄間先以所業謁韓文公
皇甫貲外二公披卷三首有說樂二章未閱其
詞遽曰且以拍板為什麼對曰樂句二公相顧

大喜曰斯高文必矣公曰謀所居二公良久曰
可于客戶坊稅一廟院公如所教二公復誨之
曰某日可遊青龍寺薄暮而歸二公其日聯鑣
至彼曰大書其門曰韓愈皇甫湜同謁幾官先
輩不遇翼日輦轂名士咸往觀焉奇章之名由
是赫然矣或云僧孺登第與同輩登政事堂宰
相曰掃廳奉候

樂天求箏于維揚僧孺先有詩曰但愁封寄去
魔物或驚禪樂天云會教魔女弄不動是禪心

樂天云思黯自誇前後服鍾乳三千兩而歌舞
之妓甚多乃譔予衰老故答思黯詩云鍾乳三
千兩金釵十二行妬他心似火欺我鬢如霜慰
老資歌笑消愁仰酒漿眼看狂不得狂得且須
狂竒章又有詩云不是道公狂不得恨公逢我
不教狂

李紳

紳初以古風求知於呂溫，見齊煦誦憫農詩
曰春種一粒粟秋收萬顆子四海無閒田農夫

猶餓死鋤禾日當午汗滴禾下土誰知盤中飧
粒，皆辛苦溫曰此人必為卿相果如其言

紳字公垂中書令敬元孫號短李穆宗召為翰
林學士與李德裕元稹同時號三俊武宗時為
相居位四年出鎮淮南卒

憶夜直金鑾奉詔承旨詩云月當銀漢玉繩低
深聽簫韶碧落齊門壓紫垣高綺樹閣連青瑣
近丹梯墨宣外渥催飛詔草定新恩但換題明
日獨歸花路近可憐人世隔雲泥

劉禹錫

長慶中元微之夢得韋楚客同會樂天舍論南
朝興廢各賦金陵懷古詩劉滿引一杯飲已即
成曰王濬樓船下益州金陵王氣黯然收千尋
鐵鎖沈江底一片降幡出石頭人卅幾回傷往
事山形依舊枕寒流而今四海爲家日故壘蕭
蕭蘆荻秋白公覽詩曰四人探驪龍子先獲珠
所餘麟爪何用邪于是罷唱

元和十年自朗州召至京戲贈看花君子云紫

陌紅塵拂面來無人不道看花回元都觀裏桃
千樹盡是劉郎去後栽再遊元都觀絕句并序
云余貞元二十一年爲屯田郎時此觀未有花
是歲出牧連州貶朗州司馬居十年召至京師
人々皆言有道士手植仙桃滿觀如紅霞遂有
前篇以志一時之事旋又出牧今十有四年復
爲主客郎中重遊元都蕩然無復一樹惟兔葵
燕麥動搖春風耳回再題二十八字以俟後遊
時太和二年三月也詩云百畝中庭半是苔桃

花淨盡菜花開種桃道士歸何處前度劉郎今
又來

禹錫嘗對賓友每吟張博士籍詩云藥酒欲開
期好客朝衣暫脫見閒身對花亦則吟王右丞
詩云興闌啼鳥換坐久落花多白二十二好余
秋水詠云東屯滄海闊南瀼洞庭寬余自知不
及韋蘓州春潮帶雨晚來急野渡無人舟自橫
嘗過洞庭雖為一篇思杜負外落句云年去年
來洞庭上白蘋愁殺白頭人鄙夫之言有愧于

杜公也楊茂卿校書過華山詩曰河勢崐崙遠
山形函菑秋此實為佳句

白樂天任杭州刺史攜數妓還洛陽後却還錢
塘故禹錫戲答云其那錢塘蘓小小憶君淚點
石榴裙

沈存中曰禹錫霓裳羽衣曲云三鄉陌上望僊
山歸作霓裳羽衣曲又王建詩云聽風聽水作
霓裳樂天詩注云開元中西涼府節度使楊敬
述造鄭愚津陽門詩注云葉法善嘗引上入月

宮聞仙樂及上歸但記其半遂于遂中寫之會
西涼府都督楊敬述進婆羅門曲與其聲調相
符遂以月中所聞爲散序用敬述所進爲其腔
而名霓裳羽衣曲說各不同今蒲州逍遙樓楣
上有唐人橫書類梵字相傳是霓裳譜字訓不
通莫知是非或謂今燕部有獻仙音曲乃其遺
聲然霓裳本謂之道調法曲今獻仙音乃小石
調耳未知孰是

山圍故國周遭在潮打空城寂寞回淮水東邊

舊時月夜深還過女墻來樂天掉頭苦吟歎賞
良久曰石頭詩云潮打空城寂寞回我知後之
詩人不復措詞矣

禹錫金陵五題自序云

禹錫字夢得附叔文擢度支員外郎人不敢斥
其名號二王劉柳憲宗立禹錫貶連州未至斥
朗州司馬作竹枝詞武元衡初不為宗元所喜
自中丞下除右庶子及是執政禹錫久落魄乃
作問大鈞謫九年等賦又序張九齡事為詩欲
感諷久之召還宰相欲任南省郎乃作元都觀

看花君子詩當路不喜出為播州易連州徙夔
州由和州刺史入為主客郎中復作遊元都觀
詩有兔葵燕麥之語聞者益薄其行俄分司東
都裴度薦為集賢學士度罷出刺蘄州徙汝同
二州會昌朝檢校禮部尚書卒

故國思如此若為天外心

寄白公

湖上收宿雨

句

故人日已遠窗下塵滿琴坐對一樽酒恨多無
力斟幕踈螢色迥露重月華深萬境與羣籟此
時情豈任

無題

禪思何妨在玉琴真僧不見聽

時心秋堂境寂夜將半雲去蒼梧湘水深

聽琴

右張爲取作主客圖

夢得曰柳八駁韓十八平淮西碑云左餐右粥
何如我平淮西雅云仰父俯子韓碑兼有帽子
使我爲之便說用兵伐叛矣夢得曰韓碑柳雅
余爲詩云城中晨雞喔々鳴城中鼓角聲和平
美慙之入蔡城也須臾之間賊無覺者又落句
云始于元和十二載重見天寶昇平時以見平
淮之年

陳潤

送駱徵君云野人膺辟命溪上掩柴扉黃卷猶
將去青山豈更歸馬留苔蘚迹人脫薜蘿衣他
日相思處天邊望少微

潤大歷間人終坊州郿城縣令樂天之外祖也
丈夫不感恩感恩寧有淚心頭感恩血一滴染
天地右張為取作主客圖

賈島

島字浪仙

一作閬仙

范陽人初為浮圖名無本能詩

獨變格入僻以矯艷于元白來洛陽韓愈教為
文去浮圖舉進士終普州司戶島久不第吟病
蟬之句以刺公卿或奏島與平曾等為十惡逐
之詩曰病蟬飛不得向我掌中行折翼猶能薄
酸吟尚極清露華凝在腹塵點誤侵睛黃雀并
烏鳥俱懷害爾情大中末授遂州長江簿初之
任屈東川守者厚禮之島獻感恩詩曰匏革奏
終非獨樂軍城未曉啟重門何時却入三台貴
此日空知八座尊羅綺舞間收雨點貌貅閩外

卷雲根逐遷屬吏隨賓列撥棹扁舟不忘恩自
長江遷普州司倉方干自鏡湖寄詩曰亂山重
復疊何處訪先生豈料多才者空垂不第名閒
曹猶得醉薄俸亦勝畊莫問吟詩苦年年芳草
平島至老無子曰啖牛肉得疾終于傳舍

島詩有警句韓退之喜之其渡桑乾詩曰客舍
并州三十霜歸心日夜憶咸陽無端更渡桑乾
水却望并州是故鄉

又赴長江道中詩曰策杖馳山驛逢人問梓州